

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
OPĆINSKI SUD U BOSANSKOJ KRUPI

Broj: 018-0-Su-23-000 135

Dana, 22.03.2023.godine

U skladu sa članom 51. Zakona o sudovima u Federaciji BiH („Službene novine F BiH“ br: 38/05, 22/06, 63/10, 72/10, 7/13, 52/14 i 85/21) i članom 32. Pravilnika o unutrašnjem sudskom poslovanju („Službeni glasnik BiH“ broj: 66/12, 40/14, 54/17, 60/17, 30/18 i 83/22), predsjednica Općinskog suda u Bosanskoj Krupi d o n o s i:

O D L U K U
o ovjeri potpisa u Općinskom sudu u Bosanskoj Krupi

Član 1.

UVODI SE upisnik ovjere potpisa „OV“ u Općinskom sudu u Bosanskoj Krupi.

Član 2.

Upisnik iz člana 1. ove Odluke uvodi se za ovjere potpisa na slijedećim ispravama neophodnim kao uslov punovažnosti za upis u zemljišne knjige:

- a) ugovori o prenosu prava vlasništva na nekretninama i
- b) punomoći za sklapanje ugovora o prenosu prava vlasništva na nekretninama.

Član 3.

- (1) Upisnik iz tačke 1. ove Odluke vodiće se u Sudskoj pisarnici ovog Suda.
- (2) Za obavljanje poslova ovjere potpisa na ispravama iz tačke 2. ove Odluke ovlašten je Šef Odsjeka sudske pisarnice, a u njenom odsustvu ovjere potpisa će vršiti uposlenik Sudske pisarnice kojeg ona ovlasti.

Član 4.

- (1) Za **podnesak kojim se traži ovjera potpisa** (Obrazac br.1. – u prilogu ove Odluke) plaća se taksa u iznosu od 5,00 KM (slovima: pet KM), u skladu sa Tarifnim brojem 9. tačka 1. Zakona o sudskim taksama („Službeni glasnik USK“ broj: 10/19 i 25/20).
- (2) Za **ovjeru svakog potpisa na ugovoru** o prenosu prava vlasništva na nekretninama, pored takse za podnesak iz stava (1) ovog člana, plaća se i taksa u iznosu od 5,00 KM (slovima: pet KM) po svakom potpisu (rukoznaku), a u skladu sa Tarifnim brojem 9. tačka 2. Zakona o sudskim taksama.
- (3) Za **ovjeru potpisa na punomoći**, pored takse za podnesak iz stava (1) ovog člana, plaća se i taksa u iznosu od 10,00 KM (slovima: deset KM), u skladu sa Tarifnim brojem 9. tačka 6. Zakona o sudskim taksama.

Član 6.

Ova Odluka stupa na snagu danom donošenja i primjenjuje se od 27. marta 2023.godine.

O b r a z l o Ź e n j e

Odlukom Vrhovnog suda Federacije Bosne i Hercegovine, broj: 70 0 Dn 009610 22 Spp od dana 08.12.2022.godine, izraženo je pravno shvatanje da „...potpisi ugovarača na ugovorima o prenosu

prava na nekretninama moraju biti ovjereni bilo od strane notara, bilo od strane suda kao uslov ponovažnosti za upis u zemljišne knjige“.

Dopisom Visokog sudskog i tužilačkog vijeća Bosne i Hercegovine, broj: 01-50-2-99-7/2023 od dana 17.02.2023.godine, ukazano je na Odluku Vrhovnog suda Federacije Bosne i Hercegovine broj: 70 0 Dn 009610 22 Spp od dana 08.12.2022.godine – pravno shvatanje građanskog odjeljenja koje se u skladu sa članom 18. Pravilnika o unutrašnjem sudskom poslovanju dostavlja nižim sudovima i upućujućeg je karaktera. Istim dopisom je posebno ukazano na odredbu člana 8. istog Pravilnika kojim su regulisane dužnosti predsjednika suda, a u vezi sa članom 7. koji reguliše poslove sudske uprave, u kojem je u stavu 2. pod g) navedeno i „ovjera isprava iz nadležnosti sudova“.

Zakonom o sudovima u Federaciji Bosne i Hercegovine utvrđena je nadležnost općinskih sudova u Federaciji BiH, među kojima u članu 27. stav 4. tačka h) da „vrše druge poslove određene zakonom“ dok je Zakonom o ovjeravanju potpisa, rukopisa i prepisa („Službeni list SR BiH“ broj: 37/71, 39/75 i 42/89), tačnije odredbom člana 2. stav 2. propisano da „ovjeravanje potpisa u zemljišnoknjižnim stvarima vrši osnovni sud“.

U skladu sa navedenim, donesena je odluka kao u dispozitivu.

DOSTAVLJENO:

1. Šefu odsjeka sudske pisarnice
2. Oglasne ploče suda i WEB-stranica suda
3. Sekretaru suda
4. a.a.

PREDSJEDNICA SUDA

Ezić Munevera

